

後漢書疏證

後漢書疏證卷十二

吳 沈欽韓撰

南蠻西南夷傳

通典云按後漢書其在黔中五溪長沙閒則爲盤瓠之
後其在峽中巴梁閒則爲廩君之後其後種落繁盛侵
擾州郡或移徙交雜亦不可得詳別焉愚按六朝諸史
所載蠻左甚爲舛略宋祁唐書雖頗臚列抉剝靡香紛
如亂絲明史上司傳惟記承襲爭鬪於原流風物略不
一及惟桂海虞衡具其情狀爲最精覈今撮取諸史及
通典通考所系稍爲標識若事類偶同隨文附入不復

分別猶恨藏書既寡一鷗難借覽者諒焉隋書之南蠻

雜類曰蟹

赤雅云蟹人捕魚而食能辨水色知龍所在自稱龍神籍稱龍戶莫登庸其產也吳震方

嶺南雜記蟹有三種魚蟹取曰獲曰俚曰獠

桂海虞衡志舊傳獠

有飛頭蟹齒鼻白衫花面赤禪之屬二十曰龜
一種今右江西南一帶甚多殆百餘種也
指山中多生岐尤獷悍所謂龜也熟岐稍馴善其巢居火種者爲乾脚岐與俗黎同俗半生半熟者次之
通

典南平蠻北與涪州接

新唐書作南平獠謬也

唐書安南有生蠻

渝州有飛頭獠

西陽雜俎嶺南溪峒中有飛頭獠子一曰前頭有痕匝項如縷妻子遂看守之

及夜如病頭忽生翼脫身而去於岸泥尋蟹蛆之類食將曉飛還如夢覺其腹果矣赤雅云子嘗入石袍山澗中偶見二頭一食蟹一食蛆見人驚起食蛆者尙銜蛆而飛喇長尺許雙耳習習如飛鳥之使翼也其俗賤之不與婚娶欲絕其類占城有尸頭蠻本婦人目無瞳子飛頭食童子糞盡童子輒死婦日益明堪與此獠爲

對按明史占城尸頭蠻一名屍到魚國設厲禁
有而不告者罪及一家此卽淮南所云解形民
又有烏

武療

地多瘴毒中者卽不能飲自斃齒

戎獮朋有葛獠又西原蠻居廣

容之南邕桂之西有甯氏者相承爲豪又有黃氏居黃

橙洞其隸也

昌黎集論黃家賊事宜狀云依山傍險自稱洞主

其地西接南詔

天寶初黃氏強與韋氏周氏儂氏相脣齒爲寇害

通考儂氏

世爲廣源州首領儂智高據儂猶州反狄青爲宣撫使嘗諸軍進兵絕崑崙關智高拒戰大敗遁入大理國桂海虞衡志今黃姓尙多而儂姓絕少蓋智高亂後儂氏善良許從國姓故今多趙氏文獻通考撫

水蠻在宜州南有縣四曰撫水曰京水曰多建曰古勞

其酋皆蒙氏同出有上中下三房民則有區廖潘吳四

姓亦種水田采魚其保聚山險者雖畬田收穀粟甚少

但以藥箭射生取鳥獸盡卽徙他處無羊馬桑柘地曰

帚洞五十里至前邨川原稍平合五百餘家夾龍江居

大中祥符九年詔以撫水州爲安化州撫水縣爲歸仁縣京水縣爲長寧縣桂海虞衡志徭

本盤瓠之後最强者曰羅曼徭

廣東新語萬厓初兩廣寇之劇者曰羅旁徭蓋

卽羅曼

麻園徭其餘如黃沙甲石嶺屯褒江贈脚黃邨赤

水藍思巾江竦江定花冷石白面黃意大利小平灘頭

丹江閃江等徭不可勝數又南丹州蠻在宜州西境地

產材異藥惡獸毒虺其人剽悍以勁木爲弩聚毒傅矢

中人立死其酋莫氏國朝命爲刺史

閩敘粵述獠徭大約韋莫二姓

居又黎海南四郡島土蠻也

今瓊州府

有黎母山諸蠻環居

四旁號黎人內爲生黎外爲熟黎廣東新語熟黎亦有二種與生黎近者爲

三毛黎與民近者曰回差黎赤雅苗自爲一類其女善爲漢音生女則還

周家曰一女又馬人本林邑蠻深目猴鼻散處峒落獻

歲一至軍府聽令不與獠獠同羣僉曰伏波遺種按水經注

俞益期箋曰馬文淵有遺兵十餘家不返居壽冷南岸悉姓馬自婚姻今有二百戶交州以其流寓號曰馬流

廣東新語諸獠率盤姓有三種曰高山曰花肚曰平地

平地者良獠貞而獠淫獠之婦女不可犯獠婦女無人與之狎則其夫必怒而去之澄海山

中有峯戶赤雅云獠名峯客有峯官領其族海豐之地有羅峯

葫蘆峯大溪峯興寧有大信峯歸善有窯峯耕無黎鋤率以刀治

土種五穀曰刀耕燔林木使灰入土土爰潮州有山峯而蛇蟲死以爲肥曰火糞是爲畬蠻之類

其種二曰平鬃曰崎鬃亦皆獠俗閩敘粵述云獠有熟

獠生獠白獠黑獠生獠在窮谷中不與華通熟獠與土

獠亦有生獠熟獠赤雅獠丁冬編鵝毛夏衣又有犴獠

二種按此實一種黔書有打牙犴獠女子將嫁必折其

身而經年不頤與犬豕有犴人狙人赤雅犴人離題高

同牢得獸即啐食如狼有犴人狙人赤雅犴人離題高

莽中射狐掘鼠蠶蠅蚘蜂甘生如齊奔衣鳥言重譯四

姓冷外曰州其風罔忌莊生所稱狙公云廣東新語

如獠故云犴一作狙人皆所謂生蠻也狄人赤雅獠

嗜殺過洞人亦獠類蠻人桂海虞衡志諸蠻近桂林者

於龍石藤諸蕃我州以西又有羅坐夜回計利流求

萬壽多嶺阿誤等蠻謂之蠻酋酋自謂太保大抵河山

獠相似但又有山子蠻赤雅斑衣山子無版籍定居所

有首領耳山燒畚射生輕死夫婦購插

青路濶以斷行路不知誤入卽張弩射之廣東新語有
鼻條與日白衣山子散居溪谷治生不屬峒首其曰斗

老成葉
又有大良居處服食同獐而性瀉朴赤雅多爲

散處城郭陸祚蕃粵西偶記獐有板獐婦人黃蠟泥髮

爲人灌園今之扇面平置頂上覆以繡有箭獐婦人橫箭于頂黃

帕綴以琉璃纍纍如瓔珞然有箭獐蠟泥髮分作數結

左右盤結箭上亦以繡帕覆之出入叢林傾側其首廣

東新語凡獐女已字頂一方板曰板獐未字則戴一箭

竿曰箭獐又云曲江獐戴板者曰板獐狼人亦盤瓠苗

無板者曰民獐則兩粵又各自一種狼人亦盤瓠苗

齋廣東新語自得陽至貴縣多狼人粵東惟羅定東安

每入歲納刀稅三田虔黔書貴州僻處西南窮山深箐

所在無非苗蠻其種類各殊莫大於盧鹿莫悍於狎家

莫惡於生苗何謂羅鹿水西之盧鬼是也明史貴州宣慰使霽翠後

曰安氏洪武初同宣慰宋蒙古歹來歸俱令領原職所
安氏領水西朱氏領水東霽翠位居各宣慰之上

轄者四十八目八目之下又有九扯九縱百二十夜所

要皆以黑種爲之而白者則其部落也黑羅羅九扯最貴者曰更昔不

名不拜賜鑲銀鳩杖僧擬師保凡大政取決焉次則慕魁勺魁屬色以至黑乍皆有職等何謂狎家

五代時楚王馬殷自邕管遷來者也其種有三一曰補

籠一曰卡尤一曰青狎貴陽定番廣順皆青狎而安順

鎮寧頂營則補籠卡尤也多畜蠱毒夜飛而飲於溪有念光一道謂之金蠶蠱每以

殺人如不殺人卽反噬其主按何謂生苗定番之谷蘭

明史東西二路苗名曰仲家性凶頑善擊刺出入必持槍弩興遠清平偏橋偏橋長官司今屬鎮遠府之九股九

黑苗性尤凶惡處深穴披重道挽強弩名偏架都勻之紫姜紫姜苗與獨山州之九名九姓苗同

類元日忌門不出二七
而解犯者以爲不祥

天壩

天苗在陳蒙爛上天壩一名黑苗按在都勻府九

姓九名鎮遠之黑苗銅仁之紅苗

生苗紅苗爲一類有吳龍石麻白五姓同

類相殺以婦人勸方解明史介子銅

黎平之陽洞羅漢

仁

思石者曰山苗紅苗之羽翼也

婦人養蠶織綿服短衫繫雙帶結於背胸前

也

尚人性多忌出入夫婦必偶喜殺挾鏢弩自隨飲食

煩漢

若新貴之宋人卽宋宣慰之祖也頗通漢語識文

往迎女家則率親戚

威清平遠之蔡家

喪禮殺牛宰牲吹蘆笙羣聚

舞名曰

則楚所遷也定番之八番土人

與漢同以寅午

爲市十月望

龍泉之楊保

播州之裔

則或遷或土著之

日爲歲首

則或遷或土著之舊也若他新貴之東苗西苗男以織花布條束髮婦着花裳無袖惟遮前後廣

順之花苗牯羊苗

衣服先用蠟繪花於布而後染之既染去蠟則花見歸袖以錦故曰花苗

其人有名無姓不知正朔以十二辰屬爲期牯羊懸崖洞穴以居高者百仞

龍里之白苗貴

定思州之短裙苗永寧募役

募役長官司今屬安順府

之白獮平伐

平遠之狍狍都勻黔西之狍狍

木老性狡悍善製刀初娶分寢既生子然後同

處康佐會行寧谷西堡之龍家

在康佐會行者爲狗耳龍家在寧谷西堡者爲

馬鑑龍家婦人緇布作冠若馬鑑加髻

都勻石阡黎平之狍狍

一曰楊黃婚喪以犬

相新添石阡之蠻人

以丑戌爲場十月朔日爲節祭鬼爲樂又有冉家蠻

普安

人皆可以折箠使者也

輒人俗與滇之獮獮同

通典南平蠻北與涪州接其王姓朱氏號劔荔王貞觀

三年以其地隸渝州東謝蠻渠帥姓謝氏在黔中之東

地方千里貞觀中開其地爲應州西趙蠻在東謝之南
其界東至夷子西至昆明南至西洱河山洞深阻莫知
里數趙氏代爲酋長貞觀三年以其地爲朝州牂柯渠
帥姓謝氏貞觀中列其地爲牂州又充州蠻牂柯別部
貞觀中列其地爲充州唐書兩爨蠻自曲州靖州西南
昆川曲輓晉寧喻獻安寧距龍和城通謂之西爨白蠻
自彌鹿升麻二州南至步頭謂之東爨烏蠻烏與南詔
世昏姻其種分七部落一曰阿莘路居曲州靖州故地
二曰阿猛三日夔山四曰暴蠻
五曰盧鹿蠻二部落分保竹
子領六曰磨彌斂七曰勿鄧勿鄧南七十里有兩林部
落南有豐琶部落雨林地雖陝而諸部推爲長號都大

鬼主又有南謝首領謝疆亦來朝以其地爲莊州松外

蠻尙數十百部凡數十姓趙楊李董爲貴族

明志松潘肅有十八

簇長通考諸蕃部落數十獨龍方張石羅五姓最著號

五姓蠻其後又有程氏韋氏皆比附五姓故號西南七

蕃桂海虞衡志前世建黔南帥府於融州以統蕃蠻其

稱大小張大小王龍石騰謝等謂之西南蕃地與牂柯

接人椎髻跣足或著木履衣青花斑布以射獵讐殺爲

事而峩州以西又有羅坐夜回計利流求萬壽多領阿

悞等蠻謂之蠻酋自謂太保大抵與山獠相似但有首

領耳西南蕃俗大抵介別男夫甚剛妻女甚潔夫婦異

居妻所居深藏不見人夫過其妻掛劍於門而後入或
期於深山不喪穢其居謂否則鬼神禍之此諸蠻皆未
嘗爲害故其事亦不能詳知雲南志諸處之夷種類非
一曰峽人曰爨人卽羅羅有黑白二種曰磨些曰禿老
曰夢門曰蒲人曰和泥蠻曰百夷又有小百夷曰土獠
曰羅舞曰撒摩都曰磨察曰儂人曰山後人曰哀牢人
曰峩昌蠻曰解蠻曰魁羅蠻曰傳尋蠻大抵滇南之夷
皆此數種又緬甸古西南夷不知何種方輿紀要緬甸
漢之揮國也在
唐謂之驃國至宋始謂之緬甸明統志土產樹頭酒樹
類樓高五六丈結實大如掌土人以麴納罐中而以索
懸其罐於實下割其實取汁流於罐以爲酒名曰樹頭
酒或不用麴惟取其汁熬爲白糟其葉卽具葉寫緬書

用元史地理志金齒西土蠻凡八種曰金齒曰白夷曰
𤙖曰峩昌曰𤙖曰縹曰縹曰渠羅曰比蘇方輿紀要百夷之
俗以金裹兩齒者曰金齒蠻漆其齒者曰漆齒蠻文其
面者曰綉面蠻刺其足者曰花腳蠻以彩繩撮髻曰花
角蠻又或以銅圈穿其鼻墜其耳總曰哀牢蠻

吳將軍頭者

吳將軍干寶搜神記作房王

以女配槃瓠

搜神記云犬走投房王房王見之大悅謂左右曰辛氏
其喪乎犬猶棄主投吾乃大張宴會爲犬作樂其夜房

飲酒而臥槃瓠咬王首而還辛見犬啣房首大悅厚與
肉糜飼之竟不食經一日帝呼犬亦不起曰恨朕不賞
今當依募賞汝物得否槃瓠卽起跳躍帝乃封槃瓠爲
會稽侯美女五人後生三男六女其男當生之時似人
形猶有犬尾明史外國傳文郎馬神深山中有村名烏
籠里憚其人盡生尾見人輒掩面走避則
天地間自有種
不獨尾濩也其後子孫昌益號爲犬戎之國按此紀
稍有異同但云分賞美女比妻以己女爲近理然云盤
瓠種爲犬戎則謬也

止石室中

水經注日南朱吾有文狼人野居無室宅依樹止宿北

此言家曰羅漢拔羅漢者惡少之稱也

爲僕僮之結

赤雅四姓髻髻

藍胡盤候四姓

有芙蓉有望仙懷人雙蛇孤鳳

濃春散夏懊惱有萬叠愁有急手妝其下者有垂鞭盤

蛇鹿角家家髻髻稍不稱者羣笑之目爲丁妝

丁者其嗣丁也

或民戶或其奴黔書狎家苗女人以青布蒙髻若帽絮之狀又

狗耳龍家苗婦人辮髮螺髻上指若狗耳之狀又蔡家

苗婦人以氈爲髻飾以青布若牛角高尺許用長簪縮

之此並其遺風也本爲僕豎倘是

通典松外諸蠻頭髻有髮一盤而成形如

髻

著獨力之衣

獨力蓋獨幅無襟也黔書狃狃男女皆以幅布圍腰閒

傍無襞積謂之桶裙按此卽貫頭衣也詳見後

廣東新語狃女

初嫁垂一繡袋以祖妣高辛氏女著獨力衣以囊盤狐之足與合故仍其製

溪蠻叢笑娘子

布漢傳載闌干闌干獠言紕金有績織細白苧麻以旬月而成名娘子布狃狃裙幅兩頭縫斷自足而入闌斑厚重下一段純以紅色范史所謂獨力衣蓋是也

六男六女

元史地理志羅雄州與溪洞蠻獠接壤俗傳槃瓠六男其一曰蒙由丘後裔有羅雄者居此甸

今爲羅平州屬曲靖府又

馬雄州昔棘刺居之盤瓠裔納垢逐舊蠻而有其地

槃瓠死

隋書地理志盤瓠初死置之於樹乃以竹木刺而下之

相承以爲風俗謂之刺北斗其左人即蠻始死置屍館

舍隣里少年各持弓箭繞屍而歌以箭扣弓爲節其歌

詞說平生樂事以至終卒亦猶挽歌歌數十闕乃以衣

衾棺殮送往山林桂海虞衡志親始死被髮持瓶甕慟

哭水濱擲銅錢紙錢於水波歸浴屍謂之買水否則隣

里以爲不孝又黎俗親死不哭不粥飯惟食生牛肉以

爲哀痛葬則舁櫬令一人前行以鷄子擲地鷄子不破

處卽爲吉穴

赤雅獮人卜葬請鷄匠祝神以卵投地不破者如獲滕公之碑

黔書花苗

葬擲鷄子

與上同

天苗人死不葬以滕蔓束之樹間生苗

紅苗人死仍用棺將所遺衣服裝像擊鼓歌舞名曰調鼓狃狃殮以棺而不葬置崖穴間高者千尺或臨大河樹木主於側號曰家親殿赤雅祀槃瓠其樂五合其旗五方其衣五彩是謂五參奏樂則男左女右饒鼓胡盧笙忽雷響瓠雲陽例具大木槽扣槽羣噪先獻人頭一枚名吳將軍首級予觀祭時以梳根麪爲之時無罪人故耳設首羣樂畢作然後用熊羆虎豹呦鹿飛鳥溪毛各爲九壇分爲七獻焚燎節樂擇其女之姱麗嫺巧者勸客極其綢繆而後

已粵述桂林等府有槃王廟獠獞祠爲始祖廣東新語
曲江獠七月望日祀其先祖狗頭王以小男女穿花衫
歌舞爲侑

後因自相夫妻

唐書東謝蠻婚姻以牛酒爲聘女歸夫家夫慙澀避之
旬日乃出會聚擊銅鼓吹角

酋長謝氏族不育女
云姓高不可以嫁人南平

獠女多男少婦人任役女先以貨求男貧者無以嫁則
賣爲婢桂海虞衡志十月朔日各以聚落祭都貝大王
男女各成列連袂相携而舞謂之踏任意相得則男啣
鳴躍之女羣負所愛去遂爲夫婦不由父母其無配者

俟來年再會女三年無所向父母或欲殺之以其爲人所棄云又西原蠻洞官之家婿來就親女家於五里外結草屋百餘間與居謂之入寮兩家各以鼓樂迎男女至寮女婢妾百餘婿僮僕至數百成禮之夕兩家各盛兵爲備小有言則兵刃相接妻之婢妾注意卽手殺之自入寮能多殺婢則妻黨畏之否則謂之慳半年而後歸夫家赤雅云女家五里外采香草花爲結爲廬號曰人寮半年與婿歸盛兵陳樂馬飛箭走毬鳴鑼角伎名出寮舞安南俗上巳日男女集會爲行列結五色綵爲毬歌而拋之謂之飛馳男女自成列女受馳男婚以定

點書花苗每歲孟夏會男女於野謂之跳月預擇平壤

爲月場男女皆更服飾妝男編竹爲蘆笙吹之而前女

振鈴繼於後以爲節並肩舞蹈迴翔宛轉終日不倦暮

則挈所和歸譁浪笑歌比曉乃散

狎家苗跳月用絲巾編爲小圓毬如瓜者

謂之花毬視所歡者擲之在室奔而不禁

粵西偶記狼人女及笄則縱諸野

少年從者且數十次第歌俟女歌意所答而一人留男

遺女以扁擔一條鐫歌數首字僅如蠅頭女贈男以繡

囊錦帶皆女所自製約爲夫婦各告其父母以蘇木汁

染檳榔定之婚日迎親送女絡繹於道歌聲振林木女

合巹用夫所贈擔汲水旋回母家不與丈夫相見別招

男子同宿名曰野郎與之共居母家待有娠則棄野夫

而歸夫家偕老故野郎亦曰苦郎赤雅獐丁娶日其母
卽迎女歸與鄰女作處間與其夫野合有身乃潛告其
夫作欄以待生子始稱爲婦也

織績木皮

朝野僉載留仇

卽流求

國緝木皮爲布甚細白幅闊三尺

二二三寸亦有細斑布按晉書肅慎氏有樹名雜常若中

國有聖帝代立則其木生皮可衣

海內西經有服常樹郭云未詳卽此雜常

也樹此晉人諂附之辭不足徵也赤雅南方草木績其皮

者有句芒布紅蕉布弱錫衣火浣布有三種單方麻者

一端數金祝融木者一端百金

南史扶南東界卽大漲海東行千餘里至自然

大洲其上有樹生火中洲近人剝取皮績作布以爲手巾與蕉麻無異而色微青黑垢則投火
毛者一端千金績其花者有桐花布瓊枝布娑羅布其精者曰娑羅龍段唐書摩國婦人衣青娑羅披羅段吉貝布又名斑布桃花布南中千葉桃花似牡丹穗長尺許織穗成布文勝火浣多矣

皆有尾形

輟耕錄束要以帛兩端懸尾後若尾無閒晴雨披瓊毯狀絕類犬

注 赤髀橫裙卽其子孫

御覽

七百八十五

引作赤髓非也南史林邑國男女皆以橫

幅吉貝繞腰以下謂之千縵又狼牙修國男女皆袒而披髮以吉貝布爲干漫其王及貴臣乃加雲霞布覆髀唐書夔利以吉貝橫一幅緣於腰黔書短裙苗在思州葛彰以花布一幅橫掩及骭輟耕錄製衣袖廣狹修短與臂同衣幅長不過膝袴如袖裙如衣總名曰草裙草袴

衣裳班蘭言語侏離

隋志諸蠻服章多以班布爲飾劉禹錫詩云蠻女鉤舟音蠻衣爛班布黔書生苗紅苗衣被俱用班絲狗耳龍家衣班衣唐書烏蠻語四譯乃與中國通

好入山壑

赤雅兒時卽燒鐵石烙其跟蹠沁以蛇油重跡若韞穿
箒走棘履險若夷廣東新語連山有八排獠鬻微有肉
尾腳皮厚寸許飛行林壑自號獠公溪蠻叢笑山獠穴
居野處雖有屋以庇風雨不過剪茅叉木而已名打寮
無關梁符傳租稅之賦

溪蠻叢笑門款彼此插血誓約緩急相援名門款互市
踰約價償未足則劫去省民或甲以乙代名準把溪洞
文移他人不能特選往來之熟者名專事容齋四筆要
約以木鐵爲契男女受田於酋長不輸租而服其役有
罪則聽其所裁謂之草斷長少相犯則少者出物謂之

出面言語相誣則虛者出物謂之裏口桂海虞衡志蠻之羈靡者有知州權州監州知縣知洞皆命於安撫民田計口給民不得典賣惟自開荒者由已謂之祖業口分田知州別得養印田猶圭田也權州以下無印記者得蔭免田既各服屬其民又以攻剽山獠及博買嫁娶所得生口男女相配給田使耕教以武伎謂之家丁強壯可教勤者謂之田子甲亦曰馬前牌皆青布巾跣足總謂之洞丁赤雅土司法極嚴肅商販入其境以二槍交植境上曰關稅未輸而越關者許射之既輸暮行露宿貨物狼藉無敢睨者粵述獠人刻木爲齒與人交易

謂之竹木格

廣東新語黎不爲要約有所借貸以繩作一結爲左券

有邑君長

隸績繁長張禪等題名有邑長爰文山邑君蘭世興通

考三百二十八彭氏世有溪州州有三曰上中下以下溪州

刺史兼都誓主十九州皆隸焉謂之誓下州誓下將承

襲都誓主率蠻酋合議當立者具州名移辰州桂海虞

衡志每村團又推一人爲長謂之主戶餘民皆稱提陀

明史土司傳土官銜號曰宣慰司曰宣撫司曰招討司

曰安撫司曰長官司

冠用獼皮

通考狎柯蠻使衣虎皮瓊裘以虎尾插首爲飾容齋四
筆其所部之長曰都模酋官入郭則加冠巾餘皆椎髻
能者則以白練布纏之曾殺人者爲之能

溪蠻叢笑云朱漆牛皮以

護頭項名曰固項

名渠帥曰精夫

唐書葛獠奉酋帥爲主號曰婆能桂海虞衡志獠無年

甲姓名一村中推有事力者曰郎火餘但稱火

歲首以土杯十

二則水隨辰位布列郎火禱焉乃集眾往觀若寅有水而卯涸則知正月有雨二月旱

西原蠻酋

豪或娶數妻皆曰媚娘

騎書黑羅羅正妻曰耐德

赤雅土目稱其酋

曰布伯布伯布令之長也

相呼爲媿徒

爾雅釋詁注卽猶媿也又陽子也巴濮之人自呼阿陽
陽媿聲近魏志辰韓人相呼皆爲徒東方人名我爲阿
隋志云其相呼以蠻則爲深忌輟耕錄相謂曰阿哥曰
麻線

今長沙武陵蠻

南史諸蠻傳居武陵者有雄溪楠溪辰溪酉溪武溪謂
之五溪蠻隋志長沙郡又雜有夷蠻名曰莫徭自云其
先祖有功常免徭役杜甫歲晏行莫徭射鴈鳴桑弓蒙
叟注常袞草江南西道觀察魏少
遊制曰都團練觀察處置莫徭使莫徭江湖獵手不他
徭劉長卿連州廳日觀莫徭獵詩云莫徭自生長名字

無符籍市易雜蛟
人婚姻通木客
其男子但著白布禪衫更無巾袴其

女子青布衫斑布通無鞵屨婚嫁用鐵鈞鈎爲聘財通考

北江諸蠻隸辰州在黔之西南阻五溪爲羈縻州三十
六而下溪州爲大彭氏世居之南江諸蠻自辰州達於
長沙各有溪洞本唐郡縣五代失守諸酋分據其地曰
敘曰峽曰中勝曰元則舒氏居之曰獎曰餘曰懿曰晃
則田氏居之曰富曰保順
曰天賜曰古則向氏居之

漸爲邊患

桂海虞衡志俗喜讐殺猜忍輕死兒始生秤之以鐵如其重漬之毒水兒長大煨其鋼以製刀終身用之試刀必斬牛仰刃牛項下以肩負刀一負卽誅者良刀也弩名偏架弩隨跳躍中以一足蹶張背手傳矢往往命中

鎗名掉鎗長二丈餘徒以護弩不恃以取勝戰則一弩
一鎗相將面前執鎗者前卻不常以衛弩執弩者口銜
刀而手射人敵或冒刃逼之鎗無所施弩人釋弩取口

中刀力奮擊以救度險整其行列退去必有伏弩

廣東新語

羅旁獠所向輕捷號爲五花賊
又黎俗最重復讐必算頭債

粵述獠人流劫糾黨羣

起人先給銀三錢贖其家曰鎗頭錢在江突出繫船取
貨謂之勾船或改打邨屯據之謂之打地其人耐飢喫
鹽敗艱草木皆可食跨無鞍馬謂之剗馬盜又曰土穴
是謂竇布

隋志梁州有獠獍蠻蠻風俗同於獠北史獠能爲細布

色至鮮淨唐六典涪州貢遠頭獠布

通典云
十段

入武谿擊之

明志辰州府沅陵縣有故劉向城一統志武谿在辰府
府瀘溪縣西源出武山合小河逕縣城南合沅水

下攻臨沅

一統志臨沅故城在常德府武陵縣西

入零陽蠻界

一統志零陽故城在澧州慈利縣東

漢中蠻覃兒健等

注云澧水出澧州崇義縣按舊唐志麟德元年省崇義

併入慈利縣郡國利病書澧州慈利縣澧水南至觀音
嘴會澧水澧中故城在澧州安福縣西北明史土司傳洪武三年慈利
安撫使覃屋連構諸洞蠻爲寇四年施南道宣慰使覃
大勝來朝是覃氏猶世據其土也

作唐

一統志作唐故城在澧州安鄉縣北

充中五里蠻

明志澧州慈利縣西有廢充縣

與戰於宏下

一統志洪山在辰州沅陵縣西南三十里倘此是

羈縻而綬撫之

禹貢正義馬融云蠻慢也禮簡怠慢來不拒去不禁鄭云蠻者聽從其俗羈縻其人耳故云蠻蠻之言縉也

雕題交趾其俗男女同川而浴

桂海虞衡志黎俗婦人繡面高髻釵上加銅環耳墜垂肩衣羣皆五色吉貝無袴襦但繫裙數重製四圍合縫以足穿而繫之羣浴於川先去上衣自濯乃濯足漸升其裙至頂以身串入水浴已則裙復自頂而下身亦出水繡面乃其吉禮女年將及笄置酒會親屬女伴自施針筆涅爲極細蟲蛾花卉而以澹粟紋編其餘地謂之

繡面女婢獲則否明史鷄籠山即臺灣女子年十五斷脣

旁齒以爲飾手足皆刺又眾社畢賀費不資貧者不任

受賀則不敢刺赤雅搖丁婦黔面額刺爲花草蜻蜓蛾

虻之狀寰宇記瓊崖等州尙文身豪富文多貧賤文少

但看文字多少以別貴賤廣東新語黎女先受聘則繡

樣皆男家所與以爲記號使之不得再嫁明一統志老撾民身眉目皆刺花

謂之宜弟

列子湯問越之東有輒休之國其長子生則鮮而食之

謂之宜弟

取妻美則讓其兄

淮南汜論昔蒼吾繞娶妻而美以讓兄

姓蒼吾繞孔子時人說苑

建本篇孔子語子路曰蒼吾之弟娶妻而美好請與兄

易忠則忠矣然非禮也按此當謂蒼梧以南之俗非人

名也然兄弟共妻夷狄不以爲異也北周書噉噉國兄

弟共娶一妻夫無兄弟者其妻戴一角帽

南史滑國亦共妻隋

書云每一人入房戶外挂其衣以爲志通典西域吐火

羅國多男少婦人故兄弟通室婦人五夫則首飾戴五

角無兄弟者則與他人結爲昆季方始得妻生子屬其

長兄

今烏澹人是也

通典在今安南府北明寧郡管州唐邕州南州異物志曰得

人歸家合聚隣里懸死人當中四面向坐擊銅鼓歌舞
飲酒稍就割食之春月方田尤好出索人以祭田神裴
淵廣州記曰晉典有烏潯人以鼻飲水口中進噉如故
方輿紀要烏潯山在南寧府橫州東六十里昔有烏潯
蠻所居之地

有越裳國

水經注林邑治典沖去海岸之微表國越裳之疆秦漢
象郡之象林縣輿地廣記驩州九德縣越裳氏之國漢
屬九真郡其地謂蠻盧舉所居子寶綱孫黨相代而立

黨服從吳化於是孫皓立爲九德郡皇明象胥錄占城

古越裳國

唐書占城卽林邑至德後改環王

乾隆府廳州縣志南掌因

古越裳氏地木老撾部屬故俗亦呼爲撾家明永宗三年置老撾軍民宣慰使司

以三象重譯而獻白雉

王制南方曰象序官象胥注云四方總名曰象者周之德先致南方也此本尚書大傳文以二象重九譯蓋所譯重沓一象不能宣究故云三象以相參也呂氏春秋古樂篇商人服象爲虐於東夷周公遂以師逐之至於江南乃爲三象以嘉其德彼自指下管象武等言樂耳

與此無涉也

東西千里南北五百里

水經注朱崖從徐聞對渡北風舉帆一日一夜而至週
迴二千餘里徑廣八百里人民可十萬餘家廣東新語
瓊州府五指山中多生黎小五指山中多生岐計黎岐
迴圍凡一千二百餘里絕長補短可四百有奇山勢盤
旋若螺旋然黎居其外岐居其中二三十里間輒有一洞
洞有十數村土沃煙稠與在外民鄉無異第層峯疊巘
水毒山嵐氛霧四塞外人不能入故得以負固爲患

垂肩三寸

寰宇記山海經曰僂耳卽離耳也皆鑿其頰皮上連耳作狀如雞腸下垂唐書南平獠婦人竹筒三寸斜穿其耳貴者飾以珠璫按海外北經聶耳之國在無腸國東爲人兩手聶其耳郭云言耳長行則以手攝持之也此垂肩三寸便是仿佛聶耳非謂離到頰皮也

黃支國來獻犀牛

通典黃支國在日南三萬里有大珠至圍二寸至圍者置之平地終日不停

按明史蘇祿國東王貢大珠一其重七兩有奇

以布貫頭而著之

寰宇記女人以五色布爲帽以斑布爲裙如袋號曰都

籠以斑布爲衫方五尺當中心開孔但容頭入名曰思
便唐書熨濮山居女人以幅布爲裙貫頭而繫之
廣東新語
黎婦女率著黎桶以布全幅上與下繫連自項至脛不
按縫開合縫以五色絨花刺其上裙袂作數百細摺
用布至十餘匹長不能行則結
其半於腰間纍纍如帶重物

教其耕稼

水經注九真太守任延始教耕犁俗化交土風行象林
知耕以來六百餘年火耨耕藝始與華同名白田種白
穀七月火作十月登熟名赤田種赤穀十二月作四月
登熟所謂兩熟之稻也

九真徼外蠻里

里當爲俚此蠻俚卽後之獠獠等故說文云俚聊也从

人里聲亦通爲聊音故從聲陸次雲尙谿織志里人亦

名天苗身衣木葉

廣東新語以俚爲今之黎恐未然

博物志交州夷名

曰俚子弓長數尺箭長二尺餘以焦銅爲鏑

焦銅者故燒器其長

老唯別鏑銅聲以物杵之徐聽其聲得鏑毒者鑿爲箭塗毒藥於鋒鏑中人卽死

不時斂藏卽臍脹沸爛須臾焦煎都盡惟骨耳其俗誓

不以此藥法語人

治之飲婦人月水及糞汁時有差者

御覽七百八異物

志曰俚在廣州之南蒼梧鬱林合浦寧浦高涼五郡中

央地方數千里往往別邨各有長帥

交趾太守蘇定

御覽卷一百一十五東觀記曰馬援平交州上言太守蘇定張
眼視錢閉目討賊怯於戰功宜加切敕後定果下獄

嶺表悉平

南史林邑南界水步道二百餘里有西圖同夷亦稱王

馬援所植二銅柱表漢家界處也西陽雜俎馬伏波有

餘兵十家不返居壽冷縣自相婚姻有二百戶以其流

寓號馬流衣食與華同山川移易銅柱入海以此民爲

識耳通典亦云銅柱尋沒馬流人常識其處按此非謂銅柱能入地隱淪也爲林邑所據在其國不復見

耳宋祁林邑傳誤以西屠夷卽馬留人其眞倒妄作非

吳纘糾繆所能盡矣

究不事人

御覽

七百九十

外國傳曰究原有獠民出錫鐵雞舌香按水

經注山溪瀨中謂之究

區憐等數千人攻象林縣

水經注象林後去象有林邑之號起自漢末初平之亂人懷異心象林功曹姓區有子名連攻其縣殺令目號

爲王值世亂離林邑遂立

南史同

蓋區連卽區憐下文但

云交阯九眞平定不及象林則象林之棄區連之立實於永和中也吳志士燮爲交阯太守交州亂燮乃表其弟壹領合浦太守次弟翦領九眞太守需弟武領海南

太守不云爲日南則知日南已非中國有也

宋書州郡志日南郡

吳又呂岱傳云岱旣定交州復進討九真斬獲以萬數

又遣從事南宣國化暨徼外扶南林邑堂明諸王各遣使奉貢是林邑爲王已久而吳界至九真止矣故水經

注云連後襲代傳位子孫三國具爭未有所附吳有交

上與之鄰接進侵壽洽以爲疆界

魏正始九年

若使區連爭

事在漢末則士燮呂岱等未肯便晏然無事明在永和

時隔絕已久耳

晉雖置日南郡僅盧客一縣亦非漢舊

客也詳郡國志隋書林邑

傳云因漢末交阯女子徵側之亂內縣功曹子區連殺

縣令自立爲王則全謬妄不足言

計人稟五升

魏志管寧傳注魏略曰屨累嘉平中年八九十縣官給稟日五升不足日知錄曰靈樞經人食一日中五升晉書宣帝記問諸葛公可食幾何對曰三四升會稽王道子傳國用虛竭自司徒以下日稟七升本皆言少而反得多是知古之權量比之於今大抵皆三而當一也史記孔子世家孔子居魯奉粟六萬索隱曰當是六萬斗正義曰六萬小斗當今二千石也此唐人所言三而當一之驗按齊民要術注云其言一石當今二斗七升則北魏時不止於三而當一至宋則又大於唐元又大於

宋所謂人粟五升實不及今之一升故扈累食不飽而諸葛公以爲食少也莊子天下篇宋鉏尹文其自爲太少曰請置五升之飯足矣是古者中人飯食皆以五升爲率也至魏書闕駟傳駟性能多食一飯至三升乃飽此本言多而反少於古然則權量之大當在中原亂後齊民要術所言是也

居風令

輿地廣記愛州日南縣本漢居風縣地

開置七縣

晉書地理志桓帝立高興郡靈帝曰高涼

分合浦郡置

此開

置七縣卽高涼郡也

武落鍾離山

水經注夷水又東逕虎灘岸又東北丹水注之水出西南望州山山形竦峻其頂平可有三畝許上有故城登城望見一州之境故名望州山俗語說今名武鍾山按酈氏前述難留城於佷山縣下敘武鍾山於夷道縣下卽此武落鍾離山也通典在今夷陵郡巴山縣巴山故城在今宜昌府長楊縣南一統志山在長楊縣西北七十八里望州山在東湖縣西

山有赤黑二穴

水經注夷水東逕難留城南城卽山也獨立峻絕西面上里餘得石穴把火行百許步得二大石積並立穴中相去丈餘俗名陰陽石陰石常濕陽石常燥每水旱不涸居民作威儀服飾往入穴中旱則鞭陰石應時雨雨則鞭陽石俄而天晴東北面又有石室可容數百人每亂民入室避賊無可攻理因名難留城也輿地紀勝龍角山在長陽縣清江北山穴有陰陽石

從夷水至鹽陽

水經注鹽水卽夷水又有鹽石卽鹽陽石也輿地廣記峽州長楊縣後周改鹽水縣夷水出施州清江縣西東

至宜都入大江宜都縣今屬荊州府一統志夷水源出施南府恩

施縣西北羅鍋堰

廩君於是君乎夷城

晉書李特載記廩君後乘土船下及夷城夷城在岸曲
泉水亦曲廩君望如穴狀歎曰我新從穴中出今又入
此奈何岸即為崩廣三丈餘而階陛相乘廩君登之岸
上有平石方一丈長五尺廩君休其上投策皆著石焉
因立城其旁而居之按此即夷道縣也縣名道以此故
城在荊州府宜都縣西北

幪布

說文隸南郡蠻夷賓布也類篇正作居牙切又居迓切
注引說文脫落

雞羽三十鏃

按釋器金鏃翦羽謂之鏃周禮鏃矢殺矢注謂可伺候
以射敵以筈前之鐵爲極重是鏃矢持鏃之重者故詩
正義引孫炎云金鏃斷羽使前重也詩行葦旣挾四鏃
鄭箋引大射禮指三挾一個言已挾四鏃則已編釋之
是四鏃爲四矢不得名四矢爲一鏃也此鷄羽三十鏃
直謂以鷄羽之矢三十個注與劉氏刊誤皆非劉又錯
會意以矢著羽有三故謂三十鏃當九十羽

今河中蠻是也

宋書夷蠻傳宋元嘉中河中蠻大動行旅殆絕隨王誕

遣軍討河北諸蠻南吏豫州蠻

按通典宋之豫州治汝南

廩君後也

西陽有巴水蘄水希水赤亭水西歸水謂之五水蠻北

接淮汝南極江漢地方數千里通典序略云晉時河中

蠻因劉石亂後漸徙於陸渾以南徧滿山宋齊以後荆

雍二州各置校尉以撫寧之

按雍州治襄陽置寧蠻校尉荆州治江陵置南蠻校尉

郡蠻酋帥互受南北朝封爵至後魏末暴患滋甚僭稱

侯王屯據峽路斷絕行旅周武帝遣陸騰大破之攷宋

書以荆雍州蠻爲盤瓠之後豫州蠻爲廩君後通典合

而言之亦以其源委不可考也范史於此傳首提巴郡南郡蠻驗傳所云則以南郡蠻爲廩君後以板楯蠻爲巴郡蠻然晉書敘李特之先爲廩君則略陽之氐亦廩君苗裔專指南郡豫州者非矣蓋華夷播蕩范沈等本不能了了也

廬江太守陸康討破之

元和志黔山在溪州三亭縣西五十里

今永順府保靖縣

後漢

時陸康伐蠻假此卽禱請爲援諸樹木皆有人馬之形因平郡寇改爲武神山按陸康在廬江其所討乃江夏蠻與武陵郡遠不相值

板楯蠻夷者

華陽國志世號白虎復夷今所謂弼頭虎子也

說文弼疆也其

兩切類篇又翹移切弓強兒

隸續繁長張禪等題名有白虎夷王謝

節白虎夷王資偉蓋卽板楯之種通典云漢末天下亂自巴西之宕渠遷於漢中楊車坂鈔掠行旅號爲楊車巴魏武克漢中李特祖將五百家歸之魏武又遷於略陽北復號之爲巴氏按晉書李特世系所載與通典此文同彼以爲廩君後而通典以爲板楯蠻未知何據宋史蠻夷傳渝州蠻者古板楯七姓蠻唐南平獠也方輿勝覽熊本平木斗夷得地五百里山高谷深乃秦建南

平軍謂卽板楯七蠻地按今爲重慶府碁江縣

作白竹之弩

御覽

九百六十三

南越志曰沙麻竹人削以爲弓弓似弩淮

南所謂谿子弩也戴凱之竹譜弓竹出東垂諸山中長數十丈每節輒曲黔書黔之諸苗皆用弩而其矢必傅

藥治藥者爲補籠之狝家謂之補籠藥采雜毒物碎而

煎之

赤雅杭藥形如獨窠蒜生深山中就其處採前忌鷄犬聲用蘸弩矢血縮入肉其人立死又黔中有

圓蛇嚙人卽斃尸不收五里內外人不敢行苗人三日後取竹矢插死所取用中人輒斃圓蛇狀如石卵

以爲膏鷄犬婦女及白衣生人皆不得見凡七日比成以藥名駒者點之塗諸矢插步叉中温之使勿敗中者

與拔矢者皆立斃唐書撲子蠻趨悍以青步羅爲通身
袴善用竹弓入林射飛鼠無不中又有望蠻用木弓短
箭鏃傳毒藥中者立死

刻石盟要

桂海虞衡志淳熙元年五指山生黎洞首王仲期八十
一人詣瓊管司以例詣顯應廟斫石歃血約誓改過不
復鈔掠按常璩南中志云夷俗徵巫鬼好詛盟投石結
草官常以盟詛要之此其俗類然也

俛錢

南史垣閔傳凡蠻夷不受鞭罰輸財贖罪謂之賤唐書

南詔以貝市易大若指十六枚爲一覓

按卽海肥也元史賽典赤瞻思

丁傳雲南民以貝代錢明史暹羅國交易用海貳是年不用則國必大衰按俵錢疑卽貝也

輸黃龍一雙

粵述徭獐交易文書內云如有翻悔與龍角一對或云風毛明珠常笑其妄謬後漢書云云此蓋有所本也

歲入寶錢口四十

漢法口率出泉一百二十爲一算今僅四十優之也

閩中有渝水

明志保寧府閩中縣南有嘉陵江自陝西寧羗州流入

界至巴縣

屬重慶府

合大江亦曰西漢水亦曰閩水亦曰巴

水其下流曰渝水

方輿紀要以
歷渝州而名

桓帝之世板楯數反

華陽國志孝桓帝時汝南季盛仲和爲巴郡守貪財重賦國人刺之曰狗吠何喧喧有姜來在門披衣出門應府記欲得錢語窮乞請期吏怒反見尤旋步顧家中家中無可與思往從鄰貸鄰人以言遺錢錢何難得今我獨憔悴按置二千石如此所以數反也

丹陽精兵之銳

按此乃丹陽郡非南郡之丹陽聚也蜀志大將軍何進遣都尉母丘毅詣丹陽募兵又徐州刺史陶謙以丹陽

兵四千益先主吳志諸葛恪爲丹陽太守以丹陽山險民多果勁出之可得甲士四萬又孫皓傳注引晉紀吳丹陽太守沈瑩領丹陽銳卒刀楯五千號曰青巾兵前後屢陷堅陣隋志丹陽舊京所在京口人本並習戰號爲天下精兵

夜郎國東接交趾

唐書昆明東九百里卽牂柯國也開成元年鬼主阿珮內屬會昌中封其別帥爲羅殿富爲甸王世襲其後又封

別帥爲滇王皆牂柯蠻也東距辰州二千四百里其南千五百里卽交州也桂海虞衡志其南連邕州南江之外稍有名稱者羅殿自祀以國名

羅孔特磨白衣九道等以道名地皆近南詔按今書南臨安開化廣南府皆

南接交阯界

廣南即宋特磨道

貴州南籠都勻等府皆南接廣

西西隆州南丹土州界此云東接誤也

東爲湖南永順靖州等境

備昆明諸落

唐蒙齋詔越析詔皆裔今爲雲南麗江府唐書爨蠻西

有昆明蠻一曰昆彌以西洱河爲境卽葉榆河也

今雲南曲

府站窩州新安城旁有六姓一曰蒙蠻二曰夷蠻三曰訛

蠻四曰狼蠻

狼當爲浪唐浪穹詔今爲大理府浪穹縣

徐勿鄧及白蠻也

書

白羅羅一曰白蠻

五代史昆明在黔州西南三千里外其首領

披虎皮

按南齊書宕昌等俗重虎以之送死門中以爲貨唐書南藩傳日功者加錦復有功者加金波

雜金波羅虎皮也冊府元龜九百七十六後唐長興三年吐蕃朝貢使解人錫虎皮一張皆披虎皮拜謝

夜郎者

宋使蠻夷傳高州蠻故夜郎也在涪州西南一統志夜郎廢縣在石阡府城西南一百里廢葛彰司西六十里晉置縣屬牂柯郡土司傳遵義府卽播州秦爲夜郎苴蘭地唐書武德三年牂柯蠻首領謝龍羽遣使朝貢授牂州刺史封夜郎郡公

浣於遯水

前志作豚水經注鬱水卽夜郎豚水也方輿紀要都泥江在貴陽府定番州城南一名牂柯江源出州西北三

十里亂山中曰蒙譚經州南界地名破蠶流入廣西南
丹州境名勝志牂柯江南流入廣西泗城界爲右江至
得州與左江合

竹王三郎神

黔書楊老黃絲驛

楊老驛在平越府平越縣東黃絲驛在府城西南二十五里

有竹

二郎竹三郎祠土人祀之

謹月朔香火最盛

一統志

三郎廟在平越府城東十里宋崇寧中賜廟額曰靈惠
從沅水伐夜郎軍至且蘭

按水經沅水出牂柯苴蘭縣爲旁溝水又東至鐔成縣
爲沅水圖說沅江源出黎平府西北苗地東北流今入

舟溪又東北經銅鼓衛西北合赤溪又東北經鎮遠府
天柱縣東又東北入湖廣會同縣界一統志平越府平
越縣故苴蘭縣

洋柯地多雨潦

華陽國志洋柯郡上當天井故多雨潦陳鼎紀遊云世
謂雨師好黔言黔中無五日不雨也

寰宇記戎州南溪縣有大黎山小黎

山四時淫雨不絕俗人呼爲大漏天小漏天

俗好巫鬼

北史獠俗畏鬼神尤尚淫祀所殺之人美鬢髯者乃剝
其面皮籠之於竹及燥號之曰鬼鼓舞祀之以求福利

至有賣其昆季妻孥盡者乃自賣以供祭唐書烏蠻大部落有大鬼主百家則置小鬼主通考夜郎國疾病無醫但擊銅砂鑼以祀神黔書羅羅苗疾不延醫惟用巫號曰大奚婆花苗謂其巫曰鬼師名勝志建昌衛志東門十部蠻有疾不用醫召女巫以雞骨卜事無巨細皆決之巫

禁忌

陸次雲崑谿織志苗人把忌以元日爲始二七而解穰穰以三月爲忌二十五日而解俱不容人犯忌又聞午日盡閉門把忌先二日鎖鈕所據之人善逸者於是日

走不敢追追懼不吉黔書生苗紅苗每歲五月寅日夫
婦各宿不敢言不出門戶以避鬼恐致虎傷打牙狔猪
女子將嫁必打其二齒恐妨害夫家也

句町縣

紀要句町廢縣在臨安府通海縣東北五里

梳根木可以爲麪

劉恂嶺表錄異梳榔樹枝葉並茂與棗檳榔等小異引注

廣志云頭生葉不過數寸此梳榔樹之誤耳此樹皮中有屑如麪可爲餅食

陸龜蒙詩空齋淨溶梳根麪按伽藍記以梳榔爲麪木蜀記云蘇

木生南中八郡樹高十數丈闊四五圍峯頭生葉兩邊

行列如飛鳥翼皮中有白麩石許搗篩作餅或磨屑作

飯食之彼人呼爲莎麩輕滑美好白勝於桃根麩也廣

莎草名亦樹似桃根其樹出麩莎當爲莎齊民要術莎樹出興古本草綱目云張勃吳

錄言交趾穰木皮中有白粉如屑米乾之搗末以水淋

過以麩可作餅食者卽此木也欽韓按御覽木部桃榔

穰莎木並列蓋同類異物也又魏王花木志曰交州記

都句似楸欄木中出屑如麩可取爲餌食如桃榔廣東新語

瓊州以南椰粉爲飯曰椰霜飯本草以爲莎木麩也

百姓資之

黔書花苗所食多以麥稗雜野蔬閒有稻皆儲以待正

供或享賓有終身不穀食者

從番禺江奉貢

按番禺當爲牂柯之訛漢志豚水東至廣鬱水經注豚水東逕苴蘭縣謂之牂柯水又東南逕毋斂而又逕鬱林廣鬱縣爲鬱水又逕中留縣與溫水合又東入阿林縣乾隆志豚水自貴州都勻府流入經古州城合溶江車江入廣西懷遠雒容二縣屬柳州府界按自此以下則溫水之合鬱江者自南寧府之橫州東逕潯州府城東與黔江合亦曰左江東逕平南藤二縣至梧州府城西南隅與桂江合曰三江口東入廣東肇慶府之封川德慶州西寧高

晏縣至廣州府番禺縣三江口入海

是爲廣東之西江

其爲鬱

江久矣不得尙目爲特柯江至番禺尤不相涉彼時爲

公孫述所阻何不循沅江至武陵而遠出番禺非也

廣東

新語特柯江自廣南以上皆崎嶇不通舟楫

從汝南許慎應奉

錢大昕曰應奉仕桓帝朝而慎之卒在安帝時不得與應奉同受經也按華陽國志云珍字道真從汝南許叔重受五經又師事應世叔學圖緯以經術選用歷尙書丞郎荊州刺史而世叔爲司隸校尉師生並顯其事甚核不得有悞蓋珍年齒或長於應奉也

南域始有學焉

華陽志平夷傳寶夜郎尹貢亦有名德歷位守相號南
州人士

滇王者莊躄之後也

唐書自夜郎滇池以西皆莊躄之裔

按宋祁以松外諸蠻皆莊躄之後則

自南而西乃印
萃矣不可從也

滇池

亦曰昆明池元史張立道傳授大理等處巡行勸農使
佩金符其地有昆明池介碧雞金馬之間環五百餘里
夏潦暴至必冒城郭立道求泉源所自出役丁夫二千

人治之洩其水得壤地萬餘頃皆爲良田明志雲南府
昆明縣城東有金馬山金馬關山與西南碧雞山相對
中卽滇池池在城南其西南爲海口紀要云城西
南八十里也引流
至武定府北注於金沙江又東有盤龍江西注滇地徐

祖遊記滇池
亦名草海

多出鸚鵡孔雀

南夷志芒蠻孔雀巢人家樹上桂海虞衡志鸚鵡近海
郡尤多民或以鸚鵡爲鮮又以孔雀爲腊皆以其易得
故也按鹽鐵論崇禮篇南越以孔雀珥門言

越甯姑復夷人

方輿紀要姑復廢縣在會川衛南按會川衛今爲寧遠府之會理州

文齊爲太守

華陽志文齊字子奇梓潼人也孝平帝末以城門校尉爲犍爲屬國遷益州太守與此言王莽政亂以齊爲太守者異又云齊子恂有令德爲北海太守

齊固守拒險

華陽志公孫述有蜀犍爲郡拒守朱遵爲郡功曹領軍拒戰於六水門眾少不敵乃埋車輪絆馬足必死爲述所殺光武嘉之追贈後漢將軍郡縣爲立祠范史失記

此事

郡人立廟祀之

一統志文齊廟在雲南府昆明縣東

姑復楛榆枏棟連然滇池建憐昆明

水經注姑復縣北對三絳三絳廢縣在寧遠府會理州

東南葉榆廢縣在大理府太和縣南十五里又姚州漢

爲枏棟縣雲南府安寧州漢連然縣滇池故城在雲南

府晉寧州東建憐故城在雲南府治西北漢續志無昆

明縣有昆澤縣方輿紀要雲南府昆陽州漢昆澤縣地

退保宋提

元和志曲州在犍爲郡南一千八百里蜀置朱提郡明
統志朱提山在敘州府賓縣西南五十里一統志唐廢
曲州在慶符縣西山去府太近當非漢時故山

度瀘水入益州界

通典吐蕃有可跋海去赤嶺百里

明志西寧衛西北有赤嶺按卽唐與吐蕃

定界處

方圓七十里東南流入蠻與蠻西洱河合流而東

號爲漾鼻水又東南至會川爲瀘水焉元和志瀘水在
儋州西瀘縣西百十二里諸葛武侯五月渡瀘謂此水
水峻急而多石土人以牛皮作船而渡一船勝七八人
楊慎丹鉛錄瀘水乃今之金沙江沈黎古志孔明南征

由今黎州路黎州四百餘里至兩林蠻

明志有黎州干戶所今爲雅州

府青溪縣

自兩林南豐琶部三程至檇州

明建昌衛都司治今四川寧遠府

十程至瀘水四程至弄棟卽姚州也今之金沙江在滇

蜀之交一在武定府之江驛一在姚安之左卻據沈黎

志孔明所渡當是今之左卻也一統志若水上流今名

鴉龍江發源西藏裏塘城西北八百餘里巴顏喀喇山

東南流五百餘里名尼雅克楚河又南流三百餘里至

四川打箭爐占對安撫司西名鴉龍江又三百餘里至

寧遠府鹽井衛西北界名打沖河折東流一百五十餘

里又折而南二百餘里會金沙江

今以此江爲邊界江之東屬打箭爐地江

之西爲番地

按水經注瀘水在朱提界武侯渡瀘蓋卽今之

金沙江今打冲河在蜀西南徼非入滇必經之道自唐

宋以來始專若水以瀘水然元和志又云巂州西至東

瀘水二百里至瀘渡四百五十里蓋以若水在金沙江

東北故別之爲東瀘渡在二水合流之下是猶以金沙

江爲瀘水之正派也按胡渭禹貢錐指所考如此一統

承其說也然水經注云瀘水源出曲羅巒下三百里曰

瀘水兩峯有磔氣暑月舊不行故武侯以夏渡爲艱瀘

水又下合諸水而總其目故有瀘江之名矣

瀘津東去堂琅縣入

十里水廣六七百步深十數丈

胡渭云據此則瀘水自出曲瀘巒其地

當在若水之東下流合若水欽韓參諸家之說以漾鼻
水爲瀘水固非而專以金沙江爲瀘水亦非是水經注
云若水至犍道縣又謂之馬湖江繩水孫水淹水大渡
水隨決入而納通稱是以諸書錄記羣水或言入若又
言注繩亦咸言至犍道入江正惟是異水沿注通爲一
津更無別川可以當之此名道之論也

追至不韋

一統志不韋廢縣在永昌府保山縣府志相傳在鳳谿
山下

蜀郡王追

追當爲阜華陽志阜字世公北堂書鈔東觀記云王阜
補重泉令吏民向化鷺鳥集於學宮阜使五官椽長沙
曼爲張雅樂鳥舉足垂翼應聲而舞翺翔復上縣庭屋
十餘日去又云治政肅清舉縣畏憚御覽二百六十東觀記
曰王阜爲益州太守邊郡吏多放縱阜以繩正吏民不
敢犯禁政教清淨百姓安樂甘露降白鳥見連有瑞應
世謂其持法平正寬慈有化所致又謝承書曰王阜幼
好經學年十一辭父母欲出就學父母以阜少不允竊
書負篋從安定口口受韓詩年十七經業大就聲聞鄉
里

出滇池河中

華陽志池中有神馬或交焉卽生駿駒日行五百里

米至數十云

吳處厚青箱雜記蜀有瘡市而閒日一集如瘡瘡之瘡
明統志嶺南謂市曰虛以不常會多虛日也西蜀曰瘡
瘡疾閒而復作也江南惡以疾稱止曰亥又新添衛以

寅卯丑日貿易寅日爲虎場丑日爲牛場卯日爲兔場

貿易有無

徐宏祖滇游記市集貴州爲場雲南爲街子
廣西爲墟三月十五日爲街子始抵十九日

而散十三省物無不至
滇中諸夷物亦無不至

哀牢夷

唐書南詔本哀牢夷從烏蠻別種也滇西六詔之外又有時旁詔矣川羅識詔謂之八詔此外不詔者北有浪稽蠻羅哥谷蠻東有些狄蠻烏皮蠻南有離東蠻鍋鏗蠻西有磨些蠻皆哀牢雜種九十九部之後也

居於牢山

方輿紀要永昌府東二十里有哀牢山西南七里有九隆山一統志安樂山在永昌府保山縣東二十五里夷語訛爲哀牢

衣著尾

唐書南詔或曰龍尾高駢答酋龍曰我且將百萬眾至

龍尾城問罪蓋本於其先爲龍尾也御覽三百五十八永昌

記曰哀牢王出入射獵騎馬金銀鞍勒加翠毛之錦

南下江漢

江漢字誤當爲瀾滄

擊附塞夷鹿芟

注云今見在者按南夷志竹子嶺西有盧鹿蠻部東爨
烏蠻也黔書黑羅羅本盧鹿而誤有濟火者水西安氏
遠祖佐諸葛武侯南征有功封羅甸國王疑卽鹿芟也
去洛陽七千里

華陽志去洛六千九百里寧州之極西南也有綿濮

通典

木綿濮有木綿樹多葉又生房甚繁房中綿如蠶所作
其大如捲廣東新語木綿高十餘丈大數抱正月發黃
似芋夷而厚作深紅金紅二色藥純黃六瓣望之如億
萬花燈燒空盡赤花絕大可爲鳥常有紅翠桐花鳳之
屬藏其中子大如檳榔六五月鳩獠御覽永昌郡傳興
熱角裂中有綿飛空如雪也
日鳩 標越裸濮身毒之民
古九縣之人皆號

置哀牢博南二縣

方輿紀要麗江府蘭州漢博南縣地哀牢廢縣在永昌

府西南

博南山

一統志博南山在永昌府永平縣西南四十五里

一名金浪

顛山爲蒲蠻
出沒之所

度蘭倉水

方輿紀要瀾滄江出吐番嵯和哥旬鹿石山流入麗江
府蘭州境南歷大理府雲龍州西又南經永昌府東北
八十五里羅岷山下兩厓壁峙截若垣墉纜鐵飛橋懸
跨千尺亦曰博南津胡渭云按水經注蘭倉水出博南
縣東北流逕不韋縣與類水合又東與禁水合又北注
瀘津水然則此蘭倉水仍東北合瀘水入蜀江也若今
之所謂瀾滄江元人指以爲禹貢之黑水者則東南流
至交阯入海一統志瀾滄江在西藏匝坐里岡城東一
百里番名拉楚河南流九百餘里至雲南塔城關西入

雲南麗江府界爲瀾滄江又流逕永昌府永平縣西保

山縣東又東南流入順寧府界達車里入南

漢遊記永平北與雲

龍州分界峽底卽瀾滄江臨流設關鐵鎖橋架於其北

行者苦之歌曰

按華陽志孝武時通博南山度蘭滄水濬谿置雋唐不

韋二縣徙南越相呂嘉子孫宗族實之因名不韋以彰

其先人惡行人歌云云此爲明帝而志作孝武

舊本水經

注與常志同

蓋孝武明帝皆開置郡縣故傳聞異

爲它人

水經注引云爲作人華陽志及唐書張柬之傳俱與此

同

皆穿鼻僂耳

唐書姚州境羣蠻多不可記有穿鼻種以金環徑尺貫其鼻下垂過頤君長以絲保環人牽乃行又有長鬚棟

鋒二種皆額前爲長髻下過臍行以物舉之君長則二

女在前共舉其髻乃行

一統志八百夷刺花樣於眉目

耳皆下肩三寸

通典泥婆羅國在吐蕃西其俗穿耳瑠榿竹筩緩至肩

者以爲姣麗

滇黔紀遊云滇中苗獠焚髮磨些之屬擔負貨物項戴半木枷徒行亦不暫脫

土地沃美

明土司傳孟良在姚關東南二千里沃野千里最殷富
地多虎農者於樹杪結草樓以護稼陳鼎滇黔紀遊雲
南縣穀穗長至二百八十粒

宜五穀蠶桑

明土司傳干崖境內甚熱四時皆蠶以其絲織五色土
錦唐書南詔傳自曲靖州至滇池人水耕食蠶以柘蠶
生閭二旬而繭

蜀綖

廣東新語綿布廣州有雙經布甚厚有榜被絮絕所織
其緯粗如小指或謂卽綖亦名綖蜀或方文敘文雷州

有雷被以白綿綾爲之崖州組織綿綾如布帛繡人物
花鳥其上有十金一具者名曰帳房桂海虞衡志蠻獠
出西南諸蕃以大理者爲最蠻人晝被夜臥無貴賤人
有一番寶字記姚州產越疆獠又引蜀記云雲南越旺
氈蜀也

帛疊

帛當爲白注云諸薄國按唐書作杜薄國女子作白疊
花布又南史扶南東界漲海中州上有諸薄國通典高
昌國有草名白疊其實類蠶國人採之織以爲布唐南
詔傳太和祁鮮而西人不蠶割波羅樹實狀如絮

東
新語

波羅即佛氏所稱波羅密亦曰優鉢曇其實不以花
放實乃花熟以盛夏桂海虞衡志云婆羅密大如東瓜
外膏潔如佛髻削其皮實之味極甘則剖實有絮者
非波羅密也南越志言南詔諸蠻不養蠶惟收娑羅木
子中白絮綉爲絲織爲幅名娑羅龍段宋祁改娑羅爲波羅
廣東新語白疊即吉貝

也又有木棉之綿即攀枝花絮也

本草綱目木棉今人謂之荔枝花說爲攀

枝以爲布曰縹亦曰毛布可以禦雨嶺外以爲吉貝即

木棉非也吉貝草綿

本草綱目木棉有二種似木者名吉貝似草者名古終南越志所謂

桂州出古藤結實如鵝毳核如珠珣治出其核紡如絲綿染爲斑布皆指似草之木綿如斑枝乃

木棉耳又有樹綿一曰樹頭綿以吉貝枝接烏桕俟生

時截去烏桕樹長可八九尺四季開花夏秋尤盛每一

株生數十年不壞絮同木綿德慶以上多種之寰宇記

姚州有種木皮可爲布姚安府志卽梭羅布

蘭干細布

唐六典注巴州貢蘭干布按南史林邑國男女皆以橫

幅吉貝繞腰以下謂之干縵

梁書漫作縵爲是

亦曰都漫又狼

牙修國以吉貝爲干漫其王及貴臣乃加雲霞布覆髀

蘭干與干漫聲同蓋外國以爲幅度名也廣東新語蘭

干獠言紵翁源以爲紵霜布桂海虞衡志練子出兩江

州洞大略也似苧布有花紋者謂之花練土人亦自貴

重亦蘭干類也今有組文如綬號桂子蘭干是其遺意

梧桐木葉績以爲布

通典黑犢濮出桐華布政和本草圖經曰白桐雲南特
柯人績以爲布似毛服按唐書驃國衣用白氍朝霞婦
人衣青娑披羅段朝霞蓋績桐華所爲徐宏祖滇遊記
騰越州嶺塘關
外野人境飛松者如狐實亦作栝實正如栝桐子而大
倍之色味亦如栝桐而殼薄易剝生密樹中一見輒伐
樹乃可得遲則樹卽存而子俱飛去成空株矣故曰飛
松野人以茶臘黑魚飛松四種入關易鹽布疑卽此華
先以覆亡人然後服之

廣東新語西洋布細膩精密皓如雪輕如繭紙幅廣至
四五尺吉終爲之其織爲巾者兩頭組結方勝葳蕤及
諸物象織者每拋一梭則念一佛故廣州人歿死者以
爲面衣

名曰濮竹

蓋出自濮國

御覽永昌郡傳曰郡西南千五百里徼外有尾濮尾若龜形長四五寸欲坐輒先穿地空以安其尾若遲遲誤折尾便死又有文面折腰赤口諸濮

一統志永昌府騰越州高黎共山出濮竹節甚長

金銀

朱輔溪蠻叢笑云絲金沙中揀金又出於石碎石而取者色視沙金爲勝金有苗路夫匠識之名絲金

光珠

廣東新語珠以圓白光

無絲絡者爲精珠半明半

暗者爲髓光珠然下有蚌珠此光珠蓋瑟瑟類耳

本草

翠者名馬價珠黃者名木難珠
明史土司傳木邦孟密有寶井

虎魄

廣東新語琥珀來自雲南者多血珀來自洋船者多金
珀

軻蟲

軻同珂通典扶南國有老鵬入海爲玳可以截作馬勒
謂之珂本草蘇恭曰珂貝類也大如鱧皮黃黑而骨白
堪以爲飾

雲南縣

方輿紀要雲南故城在大理府雲南縣西

神鹿兩頭能食毒草

赤雅茶首出羈縻州似鹿而兩頭食香草其行如飛鳴
曰蔡茂茶首二字音蔡茂也亦有五六頭者是名元仙
按左思蜀都賦射噬毒之鹿謂此也本草兩頭鹿名茶

首機華志出雲南雄蒼山

博物志作
茶首機

布貫頭衣

唐書南平蠻婦人橫布兩幅穿中而貫其首名爲通裊

鹽一斛

唐書南詔覽賧井產鹽最鮮白惟王得食取足輒滅竈
昆明城諸井皆產鹽不征羣蠻食之按今雲南有琅鹽

井黑鹽井白鹽井皆置提舉

攻越巂唐城

越字衍一統志巂唐廢縣在大理府雲龍州南

攻博南

一統志博南廢縣在永昌府永平縣南

邪龍縣

方輿紀要麗江軍民府寶山州漢邪龍縣地按元史地理志昆陽州至元十三年於那龍城立三泊縣疑卽邪龍也三泊故城在州西北屬雲南府

救忍乙王

方輿紀要在緬甸西境

水牛封牛

通典多摩長國有水牛爾雅爆牛郭云卽封牛也領上肉爆眈起高二尺許狀如橐駝肉鞍一邊健行者日三百餘里交州合浦徐聞縣出此牛

邵晉涵正義元和郡縣志海康縣多牛項

上有骨大如覆斗日行三百里爾雅所謂犛牛也

按唐書婆露斯國有橐它豹

交而犀角以乘且耕名曰它牛豹封牛蓋此類亦曰峯牛

禪國王雍由調復遣使者詣闕朝賀獻樂及幻人

冊府元龜

外臣部

貞元十八年驃國王始遣其弟悉利夷

獻其國樂凡十曲與樂工三十五人按彈國卽唐驃國也唐書驃國西接東天竺此傳云彈國西南通大秦

邛都夷

宋史蠻夷傳邛部州蠻亦曰古路蠻亦曰勿鄧居漢越

嶺都會無縣地其酋長自稱百蠻都鬼主通考三百勿

鄧部地方千里有邛部六姓又有東欽蠻粟蠻雷蠻勞

蠻散處黎嶺戎數州之鄙隸勿鄧其南七十里有兩林

部落其南有豐琶部落兩林地雖陝而諸部推爲長號

都鬼由主黎州南行七百里至其地又一程至嶠州今

廢又二程至建昌城元史宋封其酋爲邛都王今其明地夷稱爲邛部川治烏屏城

上司傳云建昌衛本漢邛都國地安氏世襲指揮使所屬有四十八馬站大頭土番夷人子白夷磨些狝狍獾獾回紇諸種散居山谷間北至大渡南及金沙江東抵烏蒙西訖鹽井延袤殆千餘里名勝志西南夷九種一獬人二獾獾三白夷四西番五磨些六狝狍七獾八回子九漁人而獾獾最狎獾按邛都廢縣在寧遠府西昌縣東南邛都

邛池

一統志邛池在寧遠府西昌縣東南王氏見聞云池中蛇為張惡子

長官司在越嵩衛北

注 雋水雋山

按元和志於雋州尙載此條今地志皆失其處疑今之打沖河也

青蛉縣禹同山

明志姚安軍民府大姚縣漢青蛉縣方輿紀要大姚縣北三十里有方山或以爲卽禹同山

而喜謳歌

黔書土人歲首男子妝飾如社夥擊鼓以唱神歌所至家皆飲食之粵西偶記猺風俗是尙蹋歌濃妝綺服越阡度陌男女雜還深林叢竹閒一唱百和雲爲之不流

名曰會閩自播事畢至明春之花朝皆會閩之期也

廣東

新語歲仲冬十六日諸獠至廟爲會閩男女分曹地坐唱歌達旦

赤雅徭峒女於春秋

時布花果笙簫於名山五絲刺同心結百紐鴛鴦囊選

崗之中少好者伴崗官之女名曰天姬隊餘則三三五

五采芳拾翠於山椒水湄歌唱爲樂男亦三五羣歌而

赴之相得則唱和竟自解衣結帶相贈以去春歌正月

初一三月初三秋歌中秋節三月之歌曰浪花歌

廣東新語

趙龍文云搖俗最尚歌以布刀寫歌布刀者織具也歌每書於刀上開以五彩花青明漆沐之以贈所歡獠歌與狼歌相類可長可短或織帶於巾以贈男或書歌於扇以贈女

後太守巴郡張翕

北堂書鈔益部耆舊傳云張翕遷越雋太守初乘兩馬
之官後並死步歸京師

華陽志作平陰郡
守蓋刻本之訛

蘇祈叟

明史七司傳禮州千戶所漢蘇元縣地一統志蘇元廢
縣在寧遠府西昌縣北

本縣安漢

一統志安漢故城在順慶府南充縣北隋志巴西郡南
充縣舊曰安漢

郡徼外夷大羊等

通典大羊同國東接吐番西接小羊同

卷夷大牛種

隋書附國南有薄緣夷

殺遂久令

一統志遂久廢縣在寧遠府鹽源縣西

祚都夷

唐書黎邛二州之東有凌蠻西有三王蠻祚都夷白馬
氏之遺種明史土司傳黎雅諸蠻宋時屢爲邊患明興
以諸蠻皆天全六番諸部散居於二州之境遂於黎州
設安撫於天全六番設招討徼外大小木瓜種分三枝
賦乃卜最强世居西河

被髮左衽

唐書松外蠻男子毳革爲被女髻盤八髻又嶺州蠻酋

長衣虎皮餘皆紅髻束髮

字書無
髻字

言語多好譬類

華陽志夷中有桀黠能言議屈服種人者謂之耆老使
爲主論議好譬喻物謂之夷經南人言論雖學者亦半
引夷經

爲沈黎郡

名勝志蜀郡記曰諸山夷獠子娘七月生生時必臨水
兒出便投水中浮則撫食沈乃棄之按沈黎之名或取

後漢書地理志卷十一
三
州一
此明爲黎州千戶所今爲清溪縣屬雅州府一統志沈
黎故城在清溪縣東南故葑都國也

白狼槃木

隋書党項羌其種有宕昌白狼皆自稱獼猴種唐書東
女國東南屬雅州羅女蠻白狼夷

路經邛來大山零高坂

一統志邛來山在雅州府榮經縣西南靈山在廬山縣
西北六十里按華陽志云有長嶺若棟八度之難楊母
閣之峻元和志雅州巖道縣長墳嶺在縣西南二十七
里道至險惡又弱棟坂在名山縣東北八里長二里道

至險阻卽此長嶺若棟也八渡蓋大渡河寰宇記始陽山在盧山縣東七里高八十里東道控川歷巖道縣橫亘入邛州火井縣界又一統志飛仙關在盧山縣東南五十里接雅安縣界卽古漏閣則華陽志所云險阨約略已盡注所引脫誤

攻蠶陵城

明志疊溪千戶所漢蠶陵縣

一統志本朝改爲疊溪營在松潘屬南二百五十里

青衣道

一統志青衣故城在雅州府雅安縣北

旄牛夷叛攻零關

注據郡國志零關道屬越嶲郡按越嶲郡固有靈關道然此旄牛夷本在蜀郡西部故下傳云益州刺史與西部都尉擊破之不言越嶲太守明與越嶲無涉續志延光二年以西部爲屬國都尉領漢嘉嚴道徙旄牛四縣左太沖蜀都賦廓靈關以爲門注靈關山名在成都西南漢嘉郡劉昭補注亦引之然此零關自是山名蜀之西部於唐爲雅州故元和志靈關鎮在盧山縣西北六十里車靈山在下有峽口似門闊三丈長二百步關外卽夷獠界胡渭禹貢錐指辨水經沫水過旄牛縣又東至越嶲靈道縣出蒙山南以爲越嶲去之遠亦據通典

雅州廬山縣有靈關山當爲沫水之所經宋書符瑞志

晉咸寧三年黃龍見漢嘉靈關

水經注作太始九年

則地屬漢嘉

非越嶲之靈關道也

晉志蜀章武二年以蜀郡屬國爲漢嘉郡耳

欽韓按越

嶲與蜀西部隔限大度河

明史土司傳唐時大度河平廣可通漕宋建隆三年王全

斌平蜀以圖來上議者欲因兵威復越嶲藝祖以玉斧

畫此圖曰外此吾不有也

自是之後河中流忽陷下五

六十丈水至此洶涌如空中落釜筏不通名爲噎口然相去不甚遠舊唐志貞觀

二年曾以雅州陽山漢源二縣屬嶲州惟旄牛夷所攻

明統志正統初以其外臨董卜韓胡番界改名臨關

冉駝夷

隋書附國者蜀郡西北二千餘里卽漢西南夷也有嘉

良夷卽其部

唐書雅州西有東嘉良西嘉良部落

宋史蠻夷傳茂州諸部

落蓋塗靜當直時飛宕恭等九州蠻也明史土司傳茂

州古冉駝國地洪武六年知州楊者七

廣東新語夷人無姓止以者字

阿字起音以者一者二阿罵阿

及隴木頭靜州岳希蓬

諸土官來朝貢

正德二年威茂州所轄下南村曲山等寨來歸乞爲白人納糧當差其俗以白

爲善以黑爲惡按今小金川司等皆在茂州保縣西南徼外

其山有六夷七羌九氏

水經注岷山在蜀郡氏道縣

今松潘廳治西北

元和志汶山卽

岷山

金履祥尙書表注岷山數百峯大西山隋書附國爲最大雪山三峯闔其後冬夏如爛銀

東北連山綿亘數千里接於党項往往有羌大小左封

者皆衛葛延白狗向人望族林臺春桑利豆迷桑婢藥
大峽白蘭北利模徒那鄂當迷渠步桑恠千礪並在深
山窮谷無大君長明史土司傳茂州東路生羌白草最
強大其出沒爲寇無代無之而白草又與松潘黃毛鞋
相通桃紅青片板舍諸羌又次之其通西域要路爲桃
坪卽古桃關也

貴婦人

唐書西域傳東女國俗輕男子女貴者咸有侍男通典
林邑國嫁娶女先求男由貴女而賤男也廣東新語澳
夷最重女子女子持家計承父資業男子則出嫁女子

謂之交印男子不得有二色犯者殺無赦

死則燒其屍

列子湯問秦之西有儀渠之國者其親戚死

親戚父兄也

聚

柴積而焚之燠則煙上謂之登遐然後成爲孝子通典
墮婆登死者實金於口以釧貫其體加婆律膏龍腦眾
香積薪焚之名勝志九州要記云木耳夷死積薪燒之
煙正則大殺牛羊相賀以作樂若過風煙旁散乃大悲
哭黔書白羅羅人死以牛馬革裹而焚之狝家苗葬用
棺以傘覆其墓上期年而火焚之

上氣多寒

元和志岷山南去青山石山百里天色晴明望見成都山嶺停雪常深百丈夏月融泮江川爲之洪溢卽隴之南首也

爲邛籠

宋史蠻夷傳淳熙二年兩林蠻攻邛部州之籠囊城元史地理志唐蒙氏遣爨蠻酋擡葛鎮牟州築城曰耐籠又云易籠者城名蠻語謂籠爲城据彼文此邛籠亦城障之名也元史紐璘傳攻礪門黎雅等城速哥傳討礪樓諸蠻礪門在元屬陝西行省脫思麻路五代孟蜀時置礪門黎雅長河西魚通寧遠六軍安撫司明爲天全六番招討司令爲天全州治礪門城明統志礪門寨卽雅州府榮經

縣之和川鎮則彼方自名城堡爲礪明史松潘鎮總兵官何

卿討白草番克營寨四十七毀礪房四千八百玉篇礪

音彫石室也隋書西域傳附國俗好復仇故壘石爲礪

高二十餘丈狀浮圖於下級開小門從內上通夜必關

閉以防盜賊新唐書三王蠻部落皇明象胥錄西番俗

壘石巢居如浮屠以梯下上人居其中上貨下畜高十

餘丈謂之礪房卑者二三丈名雞籠一統志作籠雞則其俗古

今悉同形製亦備礪礪雕羈字異耳王鳴盛謂字書無

礪字以說文字樣而欲通古今不亦窒乎

惟以麥爲資

北史附國宜小麥青稞

一名童牛肉重千觔

郭璞注中山經云蜀山中有大牛重數千觔名爲犍牛
晉太興元年此牛出上庸郡人弩射殺之得十擔肉又
爾雅注云犍牛卽犍牛也又犗牛無角然肉重千觔者
犍牛非童牛也邵晉涵正義云旄牛非童牛

毛可爲毼

通俗文毛飾曰毼稍上垂毛亦曰毼廣雅毼毼蜀也玉
篇毼毼蜀曲文者按韋昭晉語注被羽繫於背若今將
軍負毼矣御覽三百四十一漢魏故事曰與外國節皆二赤

駝一黑駝十異於常節今按駝自舞人所執春官旄人注旄牛尾

舞者所持以指麾及節幢兵器續異記竟陵王誕左右夢告之日官須髮為稍駝馬飾

采蘭雜志臨川王宏妾江無畏所乘馬皆珠羈翠駝為用甚廣小學家但舉一隅

耳

出名馬

寰宇記龍泉山在茂州汶山縣南四十八里山下有湫

水號曰青池一日龍池時或水旱民禱必應若放牝馬

於其側多生駿駒

有靈羊可療毒

本草綱目羊尾皆短而哈密及大倉諸番有大尾羊細

尾薄皮尾上旁廣重一二十劬行則以車載之亦見一統志

酉陽雜俎康居出大尾羊唐書謂之靈羊云可療毒按

胥錄哈密產大尾羊然考諸史皆無療毒之文費信星

槎勝覽云阿丹國出羚羊自胸至尾垂九塊名九尾羊

疑靈羊療毒者乃山羊也廣人取其血以解毒卽獐羊耳

糞亦療毒疾

酉陽雜俎耶希有鹿兩頭食毒草是其胎矢也夷謂鹿爲耶矢爲希卽此食藥鹿矣

又有五角羊

北史吐谷渾通使於宋獻四角羊葉盛水東日記莊浪近雪山有養羊土人

歲取其脂不久復滿此亦博物志稍割牛之類也北山經歸山有獸狀如麋羊

而四角馬尾而有距名曰驪王會解高夷賺羊賺羊者

羊而四角

唐書天竺國出
獐亦四角羊也

一統志永昌府保山縣東五

里有光明井唐大厓間於井傍見三角牛四角羊

麝香

蘇頌本草圖經又有一種水麝其香更奇臍中皆水瀝
一滴於水中用洒衣物其香不散唐天寶中虞人曾一
獻之養於囿中每以針刺其臍捻以眞雄黃則臍復合
其香倍於肉麝此說載酉陽雜俎近不復聞或有之而
人不識矣

輕毛鷓鴣雞

輕毛未詳赤雅云烏毳之精織成文章者謂之鎖袂

明史

滿刺伽國貢鎖袂

烏毳之粗市於獐爲之鵝罽輕毛豈此類歟

爾雅翼上林賦蒙鵠蘇蘇折羽也

青頓毳毼羊羴

急就篇錦繡縵絁王應麟補注曰廣韻絁刺也絹帛絁

起如刺也又服瑣綸帟補注云說文綸帟布唐地理志

泗州楚滁黃萊密州貢貨布此毳毼蓋卽急就之帶與

絁也明史烏斯藏貢物有氍毹左髻毛纓魯迷貢物有

瓊服撒哈刺帳皆是類也

明統志撒哈刺以毛織之蒙茸如氍毹有紅綠二色

乃爲徼外

明史西域傳朶甘南通烏斯藏長河西魚通寧遠宣慰
司地通烏斯藏並四川徼外地一統志西藏其地有四
曰衛曰藏曰喀木曰阿里其轄城六十餘其互市在四
川西徼打箭爐之地

白馬氏

晉書洪符記其先蓋有扈之苗裔唐書姐羌古白馬氏
之裔魏略蔥苾羌白馬黃牛羌各有種類黃牛羌孕身
六月生南與白馬羌隣通典其種非一或號青氏或號
白氏或稱蚡氏此蓋中國人因其服色而名之

居於河池

魏書氏傳漢建安中有楊騰者爲部落大帥勇健多計
略始徙居仇池後有名千萬者魏拜爲百頃氏王此傳
則似本居河池爲異在今階州成縣西

浙江書局刊

馮一梅校

王崇鼎校

丁立誠校